



**DOLIJAO BJEGUNAC
ANES KURBEGOVIĆ,
KOJI JE OSUĐEN
NA 15 GODINA
ZATVORA
SIPA
uhapsila
Elezovog
saradnika**

D. SLADOJEVIĆ

**SARAJEVO - Anes Kurbe-
gović, koji je u predmetu "Lut-
ka" nepravosnažno osuđen na
15 godina zatvora, uhapšen je u
Sarajevu po međunarodnoj po-
tjernici koju je za njim u sep-
tembru prošle godine raspisao
Sud BiH.**

Kurbegović se nije pojavio
na izricanju presude u septembru
prošle godine, a potom mu je
određen pritvor zbog opasnosti
od bjekstva, ali tada nije pronađen
na adresi na kojoj ima prijavljeno
prebivalište.

Uhapsili su ga preključke na
području Sarajeva policajci Drža-
vne agencije za istrage i zaštitu
(SIPA), odakle je saopšteno da je
u okviru predmeta "Lutka" predu-
zet niz operativno-taktičkih mjera
i radnji, koje su rezultirale locira-

njem i hapšenjem.

Osim za Kurbegovićem, me-
đunarodne potjernice raspisane su
i za Davorom Mandićem, pravos-
nažno osuđenim na šest godina
zatvora zbog organizovanog krimi-
nala i pranja novca u predmetu
"Lutka", te za Vásom Ljubibrati-
ćem, koji je zbog organizovanog
kriminala dobio 15-godišnju za-
tvorsku kaznu, kao i Slobodan-
kom Tošić, koja je osuđena na
dvije godine.

Pored pravosnažno osuđenih,
potjernica je raspisana i za Davo-
rom Elezom, čiji je predmet pred
sami kraj odvojen u odnosu na
ostale optužene.

Prvostepenom presudom iz
septembra 2016. godine, trinaes-
torica optuženih iz predmeta
"Lutka" osuđeni su na više od
100 godina zatvora zbog organi-

zovanog kriminala, nekoliko
ubistava, pokušaja ubistva te,
između ostalog, više pljački. Bo-
jan Cvijan je osuđen na 20 godi-
na, Marko Krajišnik na 18, Kur-
begović na 15, dok su po osam
godina dobili Muhamed Ramić,
Vladan Paradina i Dragan Obući-
na. Ljubiša Lalović i Azim Kaje-
vić su osuđeni na po pet godina i
deset mjeseci, Dejan Vukosavlje-
vić na četiri godine, Elvis Zlatić i
Nermin Tahirović na po tri godi-
ne, Elvira Kajević na dvije, a
Mladen Mičić na godinu zatvora.
Ranije je predmet odvojen i u od-
nosu na Milosava Veskovića, koji
je uhapšen u Hrvatskoj, a pre-
dmeti su ranije odvojeni i u odno-
su na Edina Ahmetspahića, Seada
Robovića, Himzu Čatu, Admira
Ahmetspahića i Slaviju Bobara,
koji su osuđeni po sporazumima

o priznanju krivice potpisanim s
Tužilaštvom BiH.

**SUD 13 OPTUŽENIH U
PREDMETU "LUTKA"
OSUĐIO NA VIŠE OD
100 GODINA ROBIJE**

